

Inzko se sastao sa generalnim sekretarom UN-a Banom Ki-moonom



Visoki predstavnik i specijalni predstavnik EU Valentin Inzko se kasno juče u Njujorku sastao sa generalnim sekretarom UN Banom Ki-moonom. Informirajući generalnog sekretara UN-a o političkim događanjima u Bosni i Hercegovini, visoki predstavnik/specijalni predstavnik EU također je pozdravio usvajanje Rezolucije Vijeća sigurnosti UN-a broj 1895, kojom se mandat EUFOR-a produžava do kraja 2010. godine.

“Vodi se važna politička debata koja do sada nije uspjela da riješi ključne političke probleme u Bosni i Hercegovini,” rekao je visoki predstavnik/specijalni predstavnik EU Inzko. Primijetivši da je BiH društvo sa “ posebnim načinima dolaženja do konsenzusa” visoki predstavnik/specijalni predstavnik EU Inzko je rekao da je uvjeren da će “BiH naći put”.

Silazna politička putanja koja traje tri godine, ukazala je na strukturalne nedostatke Dejtonskog sporazuma koje je potrebno ispraviti. “Međunarodna zajednica radi intenzivno sa svojim partnerima u zemlji kako bi riješila ta pitanja” rekao je Inzko. “Postoji kontinuiran međunarodni napor da se Bosna i Hercegovina integrira u euroatlantske strukture”.